

Twb yog vim Anplaham ntseeg, thaum Vajtsvv kom Anplaham tawm mus nyob lub tebchaws uas Vajtsvv cog lus tseg hais tias, Vajtsvv yuav pub rau nws, nws thiaj nloog Vajtsvv lus. Nws tawm hauv nws lub tebchaws mus, tiamsis nws tsis paub hais tias, xyov yuav mus qhovtwg.

Twb yog vim nws ntseeg, nws thiaj tau mus nyob lub tebchaws uas Vajtsvv cog lus tseg hais tias, Vajtsvv yuav pub rau nws nyob. Nws nyob hauv tsev ntaub ib Yam li nws yog tus uas tsis muaj teb muaj chaw nyob. Tomqab ntawd Ixaj thiab Yakhauj nyob hauv tsev ntaub ib Yam li Anplaham. Vajtsvv cog lus tseg rau nkawv ib Yam li cog rau Anplaham.

Anplaham nyob li ntawd rau qhov Anplaham tabtom tos hnub uas Vajtsvv coj nws mus hauv lub nroog uas nyob mus ib txhis. Vajtsvv yog tus muab quav thiab ua lub nroog ntawd.

Twb yog vim Anplaham ntseeg, Anplaham thiaj muaj tub muaj ki. Txawm yog nws laus heev thiab Xalas yeej ib txwm xeeb tsis taus tub los, nws cia siab hais tias, Vajtsvv yeej yuav ua raws li tej lus uas Vajtsvv cog tseg.

Txawm yog Anplaham laus laus lawm twb yuav tuag los, nws muaj xeebleej xeebtxwv coob npaum li tej hnubqub saum nruabntug, thiab tej suabzeb nram ntug dej hiavtxwv uas tsis muaj neeg suav txheeb.

Cov neeg ntawd lawv muab siab rau ntseeg mus txog hnub lawv tuag. Lawv tseem tsis tau tau tej uas Vajtsvv cog lus tseg hais tias, nws yuav pub rau lawv, tiamsis lawv cia siab hais tias, yav tomntej lawv yuav tau, lawv thiaj zoo siab tos. Lawv lees tabmeeg sawvdaws hais tias, lawv tsis muaj teb muaj chaw nyob hauv ntajteb no, lawv taug kev tuaj ua qhua xwb. Peb paub hais tias, cov neeg hais li ntawd lawv tabtom nrhiav teb nrhiav chaw nyob.

Lawv yeej nco tsis txog lub tebchaws uas lawv tawm tuaj lawm. Yog lawv nco txog nyaj lawv yuav tau rov qab mus nyob,

Tiamsis lawv xav mus nyob lub tebchaws uas zoo dua lub ntawd. Lub tebchaws uas lawv xav mus nyob yog ntuj Ceebtseej. Yog li ntawd Vajtsvv thiaj tsis txajmuag cia lawv hu nws hais tias, nws yog lawv tus Vajtsvv rau qhov Vajtsvv twb tu ib lub tebchaws cia rau lawv lawm.

Twb yog vim lawv ntseeg, lawv lub koobmeej thiaj nrov ncha moo lug mus thoob plaws qhov txhia qhov chaw. Tiamsis lawv tseem tsis tau tau tej uas Vajtsvv cog lus tseg hais tias, nws yuav pub rau lawv.

Rau qhov Vajtsvv twb tu yam uas zoo dua tej uas lawv muaj lawm rau peb. Vajtsvv yeej xav kom lawv thiab peb tib txhij ua tau neeg zoo kawg nkaus. (Hinplus 11:1-16,39,40)